



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 7 Yangia anidakangma :

f Tir Yimym

ig tiryimym@aolima

yt tir yimym

TAPAK 8

Taoba US tatong tir Mike Pence-i tir atema tokteptsü

Monfils yirur French Open nung masayatetsüsa kümogo



VOL. XX NO. 230 (ADOK 230) DIMAPUR ROGONÜ (FRIDAY)

AAMI (JUNE) 02 2023

₹ 5.00

NSF den aliba kaketshirtem office ajak nung wako tanak asonger



NSF office ki raksatsür anogo pungo tashi nunga teraksatsürtem ajak pua marutetba agi tejashi sayua NSF office nung wako tanak songa aliba noksa nung angur. (Kohima, June 01, 2023.)

asongba tetezüüji sü nung zülur mesanga ayutsüla aser itemji noksa aser video tangoker June 2 nikongdang 5:00 ako tashi nungbo yoktsüla ta NSF sangdong nungsa metetdaksüogo.

NSF office ya May 27 anepdang mesangwai lia nisung kari excavator amshia raksatsü aser tang tashi nung ki raksatsürtem rongnung Excavator anishisang den nisung ana puoka lir. Ano, yashi amonngnü nikongdang nisung ana parnoksa police station bushia arua pudaksü saka bail nung chiok ta angazüker.

Nisung kari parnokji 1918 küm tentetba Naga Club nung züngsemtema ta shia NSF office aliba kimung agitsü meranger ta angazüker. Parnok jagi NSF kiji raksatsüba mapaji nangzükogo, saka tang tashi parnok aika police tsüngdang nungi atsüka lir ta angazüker.

Tanü iba osangbeneri NSF tir den jembidang, "NSF office aliba ki ya akhidang Naga Club Building liasü, anungji aji senmang küma amangtsü atema tanü tashi NSF building ta masü saka Naga Club Building ta amshir saka 1918 nung tentetba Naga Club-bo mali anenogo, anungji Naga nungertemi Naga Club asentenshia tenzüksü nüngdak ta bilemra, Naga nunger kin ajak adenshir lemtetsüla, ajiüsüka tang Naga Club ta tenüng amer alirtembo yabo shitakba Naga Club purtem masü," ta metetdaksü.

Kohima, June -01 (TYO) : Naga Students' Federation (NSF) office raksatsürtem ajak pua puoka meytetba asoshi government dang tejashi sayua tanü June mezüing nü nungi NSF office nung wako tanak songa yuogo aser NSF den dena aliba kaketshirtem telongjem ajak dang kasa tejashi sayua pei pei office nung wako tanak songa ayutsüla ta tanü NSF sangdong ka ajanga metetdaksüogo. Iba wako den ano wako

Samagra Shiksha Nagaland ajanga People's Participation sentong tenzükogo

Kohima, Aami/June 01 (TYO): Brehostibarnü Samagra Shiksha Nagaland ajanga anogo 15 atema Janbhagidari (People's Participation) sentong "One Earth, One Family, One Future" - National Education Policy (NEP) 2020, Digital Initiatives in Education, Foundational Literacy & Numeracy omen nung ajemdaker tenzükogo.

Iba sentong ya June 16 nü Pune nung G20 senden amentsü aliba dak rangloker tenzük.

Iba sentong nung school pezü - TM School, Ruzhukhrie Government Middle School, New Secretariat Middle, Kuoliezou Middle School nungi kaketshirtem aden aser Advisor, School Education & SCERT, Kekhriehoulie Yhome-i ashiba agi, India ya G20 indang tir lir aser alima tzü-mopung melenshiba ya asangsang nung ajangshir aser nüburtemi alima atema bilemstüla.

Alima tatsükba akumba ama rer yimsaa aor aser alima melenshir, anungji tzü-mopung melenba anema raratsü asoshi jana-reja kanga kumdanga indoktsüla, ta pai kaketshir ayongzükba ashi.

Nüburttem lungjemer arok asoshi inyakba ajanga dang temelenshi arutsü, ta pai ashi.

Commissioner & Secretary, School Education & SCERT, Kevileno Angami-i iba sentong nung jembidang, G20 ajanga education system tashi tait yanglur aser tarutsü tia tajungba kumdaktsütsü asoshi NEP kübok foundational literacy aser numeracy tsütsü awareness agütsür, ta ashi.

Lokti tentet ajungai shilem agia Foundational Literacy & Numeracy in Education tajungba kumdaktsütsü asoshi nüburttem ajunga indang sentong ka kumdaktsütsü mechi iba sentong ya ayongzükba, ta lai ashi.

Deputy Mission Director Smagra Shiksha, Kelhikha Kenye-i ashiba agi, iba sentong ya June 15 tashi maneni agiyonga aotsü aser tanü tenzükba sülen kenshi oshi tetoktepba densema sentong balala ayongzükba agitsü.

Iba sentong tenzükba nung shilem ka ama school pezü nungi kaketshir 281 aser tesayur, School Education Department nungi staff temi jana bendenba sentong ka ayongzükba liasü.

Manipur mepetmesü atema peace committee ka tentetsü: Amit Shah

Imphal, Aami/June 01 (Agencies): Manipur nung azüidokshi atalokba indang ken o retired high court chief justice ka tekolakba sür obendanger temi bushisüngdangba osang ka yakta sangdongtsü, ta Union Minister Amit Shah-i Brehostibarnü ashi.

Imphal nung June 1, 2023 nü osangbener den jembidang paisa Manipur Governor Anusuiya Uikey kübok yimjung (peace) committee ka tentetsü aser yangji political party ajak nungi aser Kuki aser Meitei kin aser lokti tentet balala nungi teshimtet nisungtem alitsü, ta sangdong.

"Manipur nung tang tensa ajurua aliba angateteptsü asoshi lenmang ajak agi jembishinü akatsüba dang lir. Retired high court chief justice ka tekolakba sür bushisüngdangba onoki yakta sangdongtsü aser peace committee ka tentetsü," ta pai

ashi. Manipur azüidokshi nung mapa tamajung inyaktsü tasa yangluba pongu aser danga 'general' tasa ka bushisüngdangtsü atema CBI telok ka tentetsü, ta Home Minister-i sangdong.

"Azüidokshi ya teti atema masü, mangatetep samatsü... yakta tensa junga akumtsü," ta paisa ashi.

Indo-Myanmar ken o atema teti asoshi tangatetep ka nüngdaker, aser linük ana tsüingta arütsü nung atsü atsüba tekeraba nung renemtsüla, ta Union Home Minister Amit Shah-i osangbener dang ashi.

Temesepba mozü shibelenba aser telungpur senzüsempogba nung arütsü tapok amshir ta nüburttemi bilemer.

Kidanger linüktem nungi aruba nisungtem indang biometrics tem bendener, ta pai ashi.

Pai relief camp tem

sendangogo, Kuki aser Meitei civil group tem ajuruogo aser yimjung atema jembishinü kaogo, ta Amit Shah-i ashi.

Manipur nung küm trok jakdang sorkar tentetba sülen BJP ajanga state nung tawa kin balala tsüingta mangatetep madok tashi bandh, curfew amala melidaktsü arua liasü aser tawa mepetmesü adokba ya mangatetep kar aser arrsanga telemtetba agiba nungi adok, ta pai ashi.

Tawa Manipur high court ajanga sorkar dang kin ka nem scheduled tribe jenjang agütsütsü asoshi par tangatetba lemsateptsü asüngdanga liasü.

Kasa mapang Manipur kübok Bishnupur district nung yasüing Kuki telungpur südi ta temolung meleme bilemba telok ka den khatepdang police asem yuru, ta ketdangstür temi Brehostibarnü ashi.

(Maneni tapak 2 nung...)



Serving you, unconditionally

WE NEVER SHUT. BECAUSE INDIA NEVER SHUTS DOWN.



Kohima nung "First 1000 Days program" tenzükogo



DC, Kohima Shanavas C, Angami Women's organisation, NGO aser SHG tem "First 1000 days" sentong nung shilem agiba mapang tangokba noksa nung angur.

Dimapur, Aami/June 1 (TYO): National Health Mission (NHM) Nagaland tawabanga kübok Chief Medical Officer, Kohima-i, June 1 nü "First 1000 Days program" at Chief Medical Office's Conference Hall, Merhulietta, Kohima nung tenzüksüogo.

Sentong nung o jembiba mapang Deputy Commissioner Kohima, Shanavas C IAS-i, Nagaland nung aliba nürtem dak ken o kanga pongpa pongpa agiba yimya ka lir, koba tebilemsü tulu ka lir, kechiyong iba ajanga lendong bener arutsütsü akok, aser talisa health sector nung tetsükdaksü adoktsü ta shia sentepa aliba lokti dang child's mortality rate tajemba kümdaksütsü asoshi shilem agitsü ayongzüka liasü.

Paisa, "first 1000 days" osang ya department, line department tem, NGO aser SHG tem ajanga yimdak yimtsüngtema tonga aotsü imlaba lemsatapa liasü. Maneni Shanavas-i, H&FW Department dang Village Health C o m m i t t e e inyangshidaksütsü atema jenjang tapet agitsü aser parnok

ajanga yimtsüngtem nung aliba nürtem osang tejangja agütsütetsü, ta ashi DC-isa, nürtem ajanzükdaksütsü atema health sector nung teka nung aliba machinery aser equipment tem junga amshitsü atema tongtibangsa inyaksü mepeshiba den iba ajanga stakeholder tem ajak ayimjemtsü kanga nungdakba lemsatap aser nükjidadong atongtsü atema ajaki meranga iyaksü mepeshiba den takokba tashi teyari agütsütsü nangzük.

Sentong nung "First 1000 Days" sentong nükjidadong Dr. Tumchobeni, CMO Kohima-i metetdaksü aser Medical Officer, PHC Chunlika, Dr. Cheyale Kath-i "Importance of ANC & Delivery at the Hospital" onük nung ajemdaker jembiba. Mezüngbuba anogo 100 tsüngda PMMVY Scheme & Nutritional support indang onük District Co-ordinator, PMMVY, Department of Social Welfare, Vidi Solo-i jembiba, Medical Officer, Porterlane UPHC, Dr. Azhanuo Khezhi-i "Breastfeeding: The Complete Nutrition & Early Childhood

Development" indang lemsatap, "Importance of Vaccination in Children" indang Regional Project Officer, UNDP, Imli Longkumer-i tatsü agi metetdaksü liasü. Sentong nung "SBCC through SHG Institution" indang State Program Manager, SISD (NSRLM), Department of Rural Development-i metetdaksü aser Medical Officer, Seikhazou UPHC, Dr. Bival Yalie-i "Village Health Sanitation & Nutrition Day and Convergence for Health" indang jembiba liasü.

Iba sentong nung "First 1000 Days" dak sendakba nung video ka saya liasü. Sentong tetenzüki DPO (RCH/UIP), Dr. Khrievilhou-i lokti pela agizükba o jembiba aser Dy. CMO Kohima, Dr. Imchatoshi-i tepela o jembiba liasü. Iba sentong ya District Program Manager Kohima, Avikali Jakhalu lenisüba nung agia liasü. Social Welfare Department, RD Department, Angami Women Organisation, Arogo lenirtem, NGO aser SHG temi iba sentong nung shilem agia liasü.

LFI nung World No Tobacco Day mungogogo



Dimapur, Aami/June 1 (TYO): Livingstone Foundation International, Dimapur nung May 31 nü World No Tobacco Day 2023 mungogogo. Iba anogo National Tobacco Control Programme (NTCP), Health & Family Welfare Department, Government of Nagaland den longjemmer Indian Dental Association, Nagaland State Branch-i kaketshir aser tesayurtem atema Awareness aser Sensitization sentong ka ayongzüka katsüogo. Taküm iba anogomung ya 'We need Food, not Tobacco' omen nung ajemdaker munga liasü. Sentong nung o jembiba mapang tongti o jembir Crown Dental Care and Lab, Dimapur

nungi Dr. Thungbeni Ngullie, Dental Surgeon-i moko achiba ajanga temang nung timtem agütsüba indang lemsatap. Laisa, moko balala- smokeless aser smoke indang jembiba liasü. Laisa, smokeless aser smoke tobacco aser nürtem aser talisa lanurtemi weed achiba dak sendakba nung ken o mangajemi aliba rajemja liasü. Dr. Thungbeni-i, moko achiba ajanga timtem agütsüba aser talisa tetsürtem dak cervical cancer adokba aser tanur mebantetba ya moko achiba ajanga lir ta ashi. Moko achiba ajanga tepang nung teshinem tamajung adokba, tebu sentsü melenba mesüra pigmentation, ulcer adokba aser pre-cancer lesions adokba

indang lemsatap. Maneni lai kaketshirtem dang moko achiba ajanga temang nung timtem agütsüba indang jangja alitsü ayongzüka den iba amala yimya tamajung nungi pila alitsü ajungshi, kechiyong iba ajanga tachir dang masü saka kinunger aser medemer ajak dak kongshir ta ashi. Sentong nung tongti o jembir Dr. Thungbeni Ngullie nem Director of Livingstone Foundation International Ani Yepthomi-i tetushi agüja liasü. Iba awareness sentong ya Zhimoholi S. Zhimomi, LFI Chaplain lenisüba nung agi aser LFI mentor Abigail Thapa, Isaac D. Athili, Alivi Yepthomi, Lilongla Sangtam aser Loli Heni nungeri achayanga liasü.

Nagaland Ex. PAN-i ayongzüka seminar ka kaogo

Dimapur, Aami/June 1 (TYO): Nagaland Ex. PAN-i ayongzüka May 31 nü Niathu Resort, Chumukedima nung seminar ka kaogo. Iba seminar ya "Seminar on Health" dak ajemdaker aka aser Nagaland Legislative Assembly-i sponsore süa liasü. Sentong nung Sharingain Longkumer, Speaker NLA alakteta jaoker aser K.G. Kenye Minister power & parliamentary affairs tetushi tejaoker liasü. Sentong nung State Chaplain Rev. T.W. Yamyap Konyak-i Tsüngrem temaotsü meshizüka sarasadem aser Health & Welfare Department P&AR Department nungi shisalen sayurtemi onük dak ajemdaker tangazükba agütsü aser Aloba Naga-i ken tajung ka tena liasü. Mezüngbuba session ya Doctor temi temang tendangtsüba sülen tembanga liasü. Iba dak sendakba nung Ex - PAN-i sentong nung shilem agir ajak aser talisa Speaker NLA Shri. Shaningain Longkumer, Minister Shri. K.G Kenye, Dr. Kika Longkumer Jt. Direcot SNO, Dr. J. Hokugha Sumi, Dr. Alemwabang Aier Jt. Director SNO aser medical

team aser Livitoli Sukhalu NCS Deputy Secretary (P&AR) nunger dang kanga pelaba lemsatapogo. Maneni parnoki Ex-PAN züngsem ajak, Secretary Nagaland Legislative Assembly, Secretary Department of Parliamentary Affairs aser parnok kübok subordinate officials, medical team tem aser CHMIS danga kanga pelaba lemsatapogo. Tanabuba session ya asür Ex-PAN züngsemtem bilemtetba mapang tatsüka agia tenzük. Iba sülen General Secretary osang agütsü aser 2023 nungi 26 tashi atema team tasen nominate süa liasü, kong ketdangpur, advisors, District-incharge cum- executives Treasurer & special committees for Ex - PAN grievances cell nunger densema lir. **Ketdangpur tasentem yamai alitsü:**

- a) President - Shri Joshua Sumi
- b) Vice President - C. John Konyak
- c) Genral Secretary - Shri. Tarie Zeliang
- d) Secreatry - Shri. Merentoshi R. Jamir
- e) Treasurer - Shri. Tiameren Aier.

Principal Director of H&FW-i ken o jangjashitsü

Dimapur, Aami/June 1 (TYO): 31/5/23 nü Shamator Town Public Forum (STPF)-i Indian Public Health Standard (IPHS) requirement kübok nübu aser hadirtem agi kanga anünger aser department-i tang state ajunga nung health units tem tebilemsü bentetsü merangba mapang ka lir, ta ashi. Iba dak sendakba nung department-i, ken o dak sendaka alir ajak dang nürtem ajak ajanzüktsü atema iba ken o bentetsü asoshi department den teka amteper inyaksü asoshi mepeshia metetdaksüogo, ta paisa shisem.

ishika tsüngda health centre tem ajungketba ajanga state ajunga nung nübu, infrastructure aser hadirtem agi kanga anünger aser department-i tang state ajunga nung health units tem tebilemsü bentetsü merangba mapang ka lir, ta ashi. Iba dak sendakba nung department-i, ken o dak sendaka alir ajak dang nürtem ajak ajanzüktsü atema iba ken o bentetsü asoshi department den teka amteper inyaksü asoshi mepeshia metetdaksüogo, ta paisa shisem.

Pai ashiba agi, IPHS norms dak sendakba nung state nung Doctor, Nurse aser Technician tema agi kanga anünger. Küm

AEFI Surveillance atema NOAS training sentong agi

Dimapur, Aami/June 1 (TYO): Department of health and family Welfare Mokochung-i ayongzüka, AEFI Surveillance atema National Quality Assurance Standards (NQAS) dak sendakba nung Training Workshop ka May 31 nü Sangtemla ward Community hall nung agiogo. Iba training sentong ya health worker tem nem district aser sub-district nung Universal Immunization Programme (UIP) aser Adverse Event Following immunization (AEFI) surveillance system indang jangja lidaksütsü; AEFI surveillance

atema QMS benoka inyaksangshiba mapang structure, hadir aser parnok shilem angateta alitsü aser AEFI surveillance nung QMS atema district implementation plan ka yanglutsüba nükjidadong nung ayongzüka agiogo. Training sentong nung shisalen sayurji Dr. Longri kichu UNICEF aser Dr. Takosunep DPO UIP & RCH na liasü. Senior Medical Officers, Medical Officers, CHOs, LHVs, GNMs, ANMs, Vaccinators, BPM, BAC nungeri iba sentong nung shilem agia liasü.

Manipur mepetmesü atema... (TAPAK 1 NUNGI...)

Bodhbar aonung Kumbi police station kübok Tangjeng nung iba lendong ya atalok, ta ashi. Yirur alirtem ya Imphal hospital nung anepalutar, ta parnokisa ashi. "Imphal East district kübok Chanung nunga kanga sashia khatepba osang lir. Tang tashi yangji asü-amaba osangbo arua mali," ta ketdangsur kati osangbener dang ashi. Army aser police temi state ajunga nung nok-nü aser hadir balala miima aliba bushia operation agiba mapang lir. Drones amshia tesem balala mita aoba aser security forces

tem yokba maparen maneni inyaker, ta ketdangsur temi ashir. Sorkari Manipur nung yimjung bener arutsü asoshi bendanga agütsür inyaker aser tesem balala nung prokshia aliba nürtem pei kidangi tekeratiba nungi meyipa shilangdaksütsü asoshi inyaker, ta Amit Shah-i Bodhbarnü shia liasü. Pai Bodhbarnü relief camp balala nung Meitei aser Kuki nungertem ajurua liasü aser parnok kumzüka lendong timtem majurutsü ta ashi aser sorkari parnok lendong timtem majurui kidangi meyipa shilangtsü asoshi rangloker mera balala agir, ta shia liasü.

PM Modi aser Nepal PM nati linük ana tesendaktep atema jembid



June 01, 2023 nü New Delhi nung aliba Hyderabad House nung Ato kilonser, Narendra Modi aser Nepal Ato kilonser, Pushpa Kamal Dahal na senden amentsü lia tangokba noksa nung angur.

New Delhi, Aami/June 01 (Agencies): Brihostibarnü New Delhi nung Ato kilonser, Narendra Modi aser Nepal Ato kilonser Pushpakamal Dahal 'Prachanda' na senden mena onük aika nung o lemtepa sülen Modi-i, India aser Nepal nati linük ana tesendaktep ya Himalaya tenem tashi ajungkettsü atema jembio

Senden tembangba sülen Modi aser Prachanda nati terenlok projects aika tenzükja liasü.

Linük anatisa shishilembaba aser energy densema lenla balala nung amalitepa inyakba jenjang tajungba akümtsü atema tezüngzüktep tenet agiogo.

Lenir anati video conferencing ajanga India kübok Rupaidiha aser Nepal kübok Nepalgunj nung integrated check posts semzüktsü.

Tenatisa video conferencing ajanga Bihar kübok Bathnaha nungi Nepal custom yard tashi senzütsü asoshi khu abenba train ka tenzüktsüogo.

Osangbenertem den

jembidang Modi-i, "Linük ana tesendaktep ya Himalaya tenem tashi ajungkettsü atema onoki maneni inyaksü. Iba tanela nungji onoki arrtsü dak sendakba mesüra tanga ken o ajak bentettsü," ta metetdaksü.

"Linük ana tsüngda sobaliba aser yimsü tensendaktep tashi itshitsü atema Ato kilonser Prachanda kümati Ramayana circuit dak sendakba projects tekara nung renemtsü bangjemogo," ta paisa metetdaksü.

Nepal aser India na tsüngda arrtsüji kilometer 1,850 dak tema lir aser arrtsü jagi India kübok state pongu- Sikkim, West Bengal, Bihar, Uttar Pradesh aser Uttarakhand state tem kongshir.

July ita nung Chandrayaan-3 itai yoktsü: Isro

New Delhi, June 01 (Agencies): Kanga yongyaa ataba Chandrayaan-3 spacecraft, Sriharikota tonga bener ogo aser kobi melii India nung rocket tajungtiba, GSLV-MKIII mesüra LVM-3 ajanga taküm July ita nung ita-i yoktsü; iba ya India nunger mission tasembuba asütsü.

Chandrayaan-3 aiben takok ngua tetendanga balala agiba sülen Sriharikota tonga bener ogo.

Somnath-i, "Mission telatetbatemji maneni kasa dang asütsü saka Chandrayaan-2 den medemdangra design aser engineering ji khenyongi balala; taoba mapang ajangshiba timtem paidoktsü atema tashi itta yanglu," ta metetdaksü.

Taoba mapang Chandrayaan-2 mission

tamakov ngua liasü kechiyong ita ma nung anenzükdang tsükoka liasü.

Chandrayaan-3 ya July ita nung Satish Dhawan Space Centre nungi khakettsütsü aser ita south pole tsütsü jungjunga anenzüktsü merangtsü. Chandrayaan-3 mission kübok anogo 14 tsüngda ita nung scientific experiment balala agütsü.

India nunger Chandrayaan-1 mezüngbuba October 22, 2008 nü tenzükja liasü aser Chandrayaan-2 2019 küm July 22 nü tenzükja liasü saka September 6 nü ita nung anenzükdang tsükok.



June 01, 2023 nü New Delhi nung aliba BJP headquarters nung BJP Tir, JP Nadda aser US ambassador to India, Eric Garcetti na ajurutepdang tangokba noksa nung angur.

Patna nung ayongba senden nung Congress adentsü: Jairam Ramesh

New Delhi, Aami/June 01 (Agencies): Brihostibarnü Congress party-i, June 12 nü Bihar yimtiba, Patna nung ayongzükba opposition party tem senden nung Congress nungia lenir tain kati shilem agia adentsü, ta metetdaksü.

Patna nung ayongzükba senden nungji opposition party 16-i adentsü melungogo.

New Delhi nung osangbenertem den jembidang Congress general secretary communications in-charge, Jairam Ramesh-i, "June 12 nü opposition senden nung onok adentsü; senden nungji azünga alir lenir ka adentsü," ta metetdaksü.

Osang angashiba agi, Tamil Nadu chief minister MK Stalin-i Bihar Chief Minister, Nitish Kumar dang opposition party tem senden anogoji atsülangang ta shia lir, yamaji Congress-ia senden agütsü aliba anogoji atsülangtsü mepishia liasü.

Ajisüaka 2024 küm Lok Sabha election agütsü lia opposition party balala nungi lenirtem sendenji tang mezüng ayongzükba senden nungji adentsü melungogo, ta kasa osang ajanga metetdaksü.

Iba senden nungji Congress Tir, Mallikarjun Kharge aser party general secretary (organisation) K.C. Venugopal

na adentsüa akok aser Rahul Gandhi-a US nungi aruba sülen senden nungji adentsüa akok ta jembidar.

Lok Sabha election atema opposition party tem longjemtsü nükjidong nung taküm April ita nung Congress Tir, Kharge-i Nitish Kumar, Uddhav Thackeray aser Stalin nunger ajuruua liasü.

Iba sülen Nitish Kumar-ia party balala nungi lenirtem aika ajuruogo.

Sangküm BJP-i aniba NDA anema opposition longjemtsü nükjidong nung JD(U) lenir aser Bihar chief Minister Kumar-i yakbang ser inyakdar.

Nitish Kumar aser Bihar deputy chief minister Tejashwi Yadav nati April ita nung Kharge aser May ita nung Rahul Gandhi ajuruua liasü.

Kumar-isa NCP tongti lenir Sharad Pawar, West Bengal Chief Minister Mamata Banerjee, Jharkhand Chief Minister Hemant Soren, Delhi Chief Minister Arvind Kejriwal, CPI-M lenir Sitaram Yechury, CPI lenir D. Raja, taoba mapang Uttar Pradesh Chief Minister aser Samajwadi Party Tir Akhilesh Yadav, Odisha Chief Minister Naveen Patnaik aser taoba mapang Maharashtra Chief Minister Uddhav Thackeray densema lenir aika ajuruogo.



June 01, 2023 nü California nung aliba Stanford University nung Congress lenir, Rahul Gandhi-i sentong ka nung jembidang tangokba noksa nung angur.

Andhra Pradesh CM-i aluyimer shia nem sen 5,500 agütsü

New Delhi, June 01 (Agencies): Brihostibarnü Andhra Pradesh Chief Minister, Y S Jagan Mohan Reddy-i YSR Rythu Bharosa-PM Kisan scheme kübok temsüa aliba aluyimer lakh 52.3 shia nem sen 5,500 agütsüogo; taküm agi küm pongububa stae sorkari aluyimertem nem senotsü teyari agütsür, ta osang ka ajanga metetdaksü.

jembidang chief minister Jagan Reddy-i-i, "Ner jabaso (Jagan)'er sorkar ya, aluyimertem azükaru nung ang state-a azükarutsü, ta tangatetba aliba sorkar ka lir," ta metetdaksü.

Kurnool district kübok Pattikonda nung ayongzükba sentong ka nung chief minister-i iba scheme kübok aluyimertem nem senotsü teyari agütsü. Ajisüaka iba scheme kübok Centre sorkari aluyimertem shia nem agütsütsü aliba shilem sen 2,000 bo tang tashi magütsü, anungji iba senji Centre nungi ngura aluyimer shiai ajak senteper sen 7,500 angur asütsü.

Reddy-i, pai aniba sorkari election manifesto nung nangzükba ajak ataloktsüogo, ta ashi.

Iba scheme kübok Andhra Pradesh sorkari ali/alu maliba SC, ST, BC aser minorities aluyimertem shia nem sen 13,500 teyari agütsür. Iba scheme kübok tesüiba küm pezü tsüngda state sorkari aluyimertem nem sen crore 30,985 dak tema agütsüogo.

Reddy-i, election manifesto nung pai küm pezü atema aluyimertem nem sen 12,500 teyari agütsütsü nangzükja liasü saka küm pongububa sen 13,500 agütsür, aser ibaji ajanga aluyimertem sen 17,500 tali angur, ta metetdaksü.

Bodhbarnü video link ka ajanga aluyimertem den



TIR YIMYIM YIMOBILEM (EDITORIAL)

DIMAPUR ROGONÜ, AAMI (JUNE) 02, 2023

Asenoki jembinüba onük

Tanü asen lima aser nübortem asoshi nungdak repringdangra aika, saka kanga rongdak nungdaktemji electricity, gari lenmang aser yimjung mapang asütsü, anungji itemji tanü asenok jembitsüba onük asütsüla. Ajisüaka, asenoki electricity dang nungibo kin kidong otsüang tejembinüba, gari lenmang nungdakba dang nungibo 'community hall' ang taginüba aser kecha tetsübu aser tarendak melii pei mapa inyaktetsüba yimjung mapang dang nungibo rongsenang tesapuba sapur amai asenok jakla aser mapa nung repringtetter. Atangji, senso shinga government dak nendaka malitsüla saka meyiper senso shiai government nemang pei-i inyakba nungi government nungdak nung amshitsüsa alimelen agütsütsüla. Ajisüaka, inyaknyonga jenjang asakba agi mesüra inyakyim balaka asüba agi sensosangertemi masü government-i dang inyaktsüba mapatem kar lir. Itemji yangi tamalen shia aliba amato electricity, gari lenmang aser yimjungji asütsü. Atangji, tanü asüngbo ayong dang lira kijaia tzü tashiji amshia hydrogers ajanga light adokdaksüteter mesüra anü tashi atsüzüka amshir. Ajisüaka, item tashi jagi yimkong asoshi tagitarutsü mapa tulu meinyaktetter. Kasaji, kijai gari lenmanga tutettsü saka yimkong jajatsüsabo metutettsü. Iba amaji kijai ozüng raksartem anema mitkar yutetter, ajisüaka yimkong nem tekümzükba tajung agütsütsüsabo meyutettsü. Itemji asenok rongnung kanga rongdak nungdaka jembitsüba onüktem lir. Ajisüaka, asenoki jembinüba onüktemjibo itemji masü. Asenoki electoral politics indang jembiner, yimkümba otsü jembitsüba nungang temulung tagütsüba aser tangar majung indang jembiba nung dang asenok mapang talangba endoker. Iba jagi asen kidang light maru tammang nung mimung nung mi apua yur, aseni alep aser aseni atsüngba indang jembiner. Aji oda, tangar anogo ka nung atemtsüba mapa hopta nunga metemteteti lenmang majungba agi lenmang nung mapang ajak endokmar, Aji oda, gari alirtema lenmang tamajung nung jajaba agi pei gari yanglushidang kidang kibong nung aon tajung den mechiyongdangba kibonga aika alitsü. Asenok kecha meinyak tsürabur aser kinungertem inyakba agi chia jema alir aika lir, item jagi aiben asen lima nung timtem aliba indang mebilemdanger aser tashiyim amshia saru meshirtem aliba agi, pei mapa teinyaknütsü meinyaktet timtemba tensa tia majurudang aser memetetba agi kecha hau ta mali zübazüba alir aser yamaji alimai arua malang taküm zübazübaa tembanger. Atangji nung, asenoki kodang mapa inyak tenzükdir, mapaji motor kati along nung dang inyaktetsüba mapatem aika lir aser tanü yangi angatettsü merangbaji iba motor-ji electric tashi agi alongtsü. Ajisüaka, asenok mapa inyakdak electric tashi melira generator amshia inyaktsüba dang aser generator nung totzü tsüka mapa inyaktsübaji tajangzük maliba dang masü saka takoksa angutsüba mapa ka asütsü. Aji dang masü saka mapa aika takok ngua inyakba mesüra takok angubaji gari lenmang ajungba ajanga lir. Yaküm küm tashi Dimapur nungi Kohimai atutsüba ya ghonda asem lenmang liasü, saka tangbo lenmang terabo junga aliba agi ghonda ka ser tesadang nungbo tongadoker. Iba jagi akhidang mapa tilaka atema anogo piyong endokba to anogo tesadang nungbo temadoker. Aji oda, akhidang lenmang majungba agi khu junga mebentet aliba to tangbo kecha tarendak makai khu abenba garitema jajar. Iba jagi memeteti nübortem aika pei jangraba mapa tenzükner, saka tesem aika nung government-i tajungshi o jembiba dak alaka mapa agi nübortem nungdak repringteta magütsüteter. Item tamakoktemji government kisüng tamakok masü saka nübortem tamakok lir, kechiyong asenoki asen nungdak masü saka nungdak makaba o aser mapa nung dang mapang endoker. Atangji asenok asoshi mozü ki aser school kitema tongtibang saka electric tashi peria melira itemji moutettsü. Aji oda, lenmang junga melira garia lenmang nung timtem tesama tia ajurutsü. Item ajakji bilemdanga asenokbo tanü asen jembitsüba onoktemji asen rongdak nungdaktem südi.

OLEMSABANG

AOR KILUNG OSET KAKET RÜSHIBA (BOOK REVIEW)

~ T. Meren Paul, Lower PR Hill, Kohima

(Yashi adok nungi...)

41. **Angkalatsü**, Ang ainba sülen angjep yanglutsü aser tejem nung soer anü nung aputsü. Iba sülenji "Angkalatsü"nung pungoker anglong azütsü mesüra süksen aietsü ajisür sü adaker.
42. **Lentong aser Nokju**, Page 93 nungYangluyim: nungji lentong agi chipoker ta shia lir saka lentongji komalaoset ar kakat nung sayua mangur anungji enoksemtsüla. Iba denji Nokju a enoksemtsüla
43. **Pu**, Süng tulu alentsü aser süng suhsatsü amshiba merang oset
44. **Chinemping**, Nüboyok dang aser telok chiyungtsüawazüdang chi soroer am agi saher nemdena ayuba makang. Tanüasüng amah akhidang asenok chibo tulu maka asü anungji chibo tilala nung soruer agizüka nemdenasa ayu.
45. **Mongdish**, Alu mapa inyakdang Tsünglu nungi mesüra Anü tatsük nungi kümzüksü atema amshiba, Süra agi yangluba shi.
46. **Hepba**, Yong agi taker au tila nateta Ango aser Tsüngen atempangtsü sang yangluba makang tila.
47. **Lasang**, Tahlang nung aliba shiruru aser ozüsangnu akatsü lanumejen yoktsü atema yanglubaOset.
48. **Angodatsü**, Ayong aser tzütu nung ango tepteta tatettsü zütsük atakyim agi yimchi ama mejier tasong tahlang nung putsülen tulu nung mesaloker alenloka yangluba angoputsü.
49. **Zütsük**, Ayong aser tzütu nung ango ampanga aputsü angüsü temerang takang agitapok temeyong ka mesüra ana asem mejia sangku keta yanglur aser tzü telungiatsüer alutsü sangku tebang nungji merang taret (lead) mesüloka yangluba.

Kaket tema nung keta alibadem (cover setting)

Kilung Oset dak alaka ano Kakat tejaklen aser tesülen takeptsü tapak nung (front and back cover) kilung ana noksa sayua aliba anapronglaji asen akhiAor kilung masü. Front cover nung Kilung nung sayua aliba tai yamai.

1. **Tip jara** noksaji longmi atemtsük asemnem agi atakbasayua angur saka tip jaraji longmi masü ani agi ataker aser ananem/asemnem, jara atakba aser atemtsük atakba yimya anaji takya (design) palala.
2. **Tsüin** dak alaka ki songjenji nüktang agi ajungketa süngkum rahraher iba manungji longmi pu agi mejisar **Atemtsük atemer** saka tarangba süngpak atem mamshir.
3. Ki teyong tsüinlen tera atsüngaoa **Atepali** amoktsü aser yangji **Mishi** lung asem angutepba azüngtsü aser **Mimong** yanglur. Iba mimong temalen tsükten atentsü. Sayua aliba noksa ya Aor kilung, atep mimong masü.
4. Ki teyong nung **Kiyong Tongshi** alitsüla.
5. Kitangki nung kojai angenloker yangji oset, **Chikok Chisang** etaka malitsüla. Chikok Chisang ji **Chisangpong** nung ayur.
6. **Mora** ya asen Aor-i amshiba menden masü, asenokbo **süngkong aser makem** nung amener. Ano sofa tila ka sayua lir koba akhi oset masü.
7. Tebur halfpant aser T shirt semer masü saka **langdem** temer **nokleptsü** semer Ao **kubangtsüng** tsünger sayutsüla. Yamaji tetsürla jia tzümar mekhala aser tola masü saka süpedi agir etsüngsü mesüra sünak agi **Tekujen**mesür alitsüla, chidentsür aser tantsür süra temalen süoshi kecha maki saka azük azüker alitsüla aser tenarong nung **Tongpang** anoer **Tebtsü** teper sayutsüla, aji Ao tsür sübosolemtsü.
8. Kikumzüng tip tesademlen tsuin jara nungji tzüshi metongloka ayudak **Tzushirong** aser tatsütksü süng nangdena ayudak **Süngrong** alitsüla.
9. Back Cover nung sayua aliba ki noksaji Aor masü Angami nunger kilung noksa sayur. Magnifying glass agi jungjunga repringra tetsürlaji Angami Tsür Angami sü abener angur. Tsükten nungjia Angamitsüri amshiba Daksep ka angur. Parnokah akhi tejen ki masü saka süngpak kojai amshia tesülen yangluba ki ka sayua lir saka imaginationji asenoki yangluba dang nungi parnoki yangluba noksasakanga agi tajungba aser tabensaba nung sayur.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir



Paris yimti nung United Nations Plastic Treaty senden alidang Khristan Charity telok, Tearfund-i lenirtem dang plastic agi alima menentsüba nokdangtsü atema telemtetba agia inyaktüsü akhanger. Iba senden ya May 29 nü tenzük aser June 2 nü tembangtsü. Mongolbarnü Khristan telok kati plastic agi lima menentsüba nokdangtsü atema takhangba agütsüba noksa nung angur.

Pakistan nung Khristan ka tasüba agi merenshitsu obendang agütsü

Lahore (Pakistan), June 01 (Agencies): May 30, 2023 nü Pakistan kübok Bahawalpur nung aliba court kati, arrshi küm 22 Khristan kati Tsüngrem mezüngmeshiogo, ta aija tasüba temerenshi agütsütsü obendang agütsüogo.

Khristan lanur, Noman Masih atema ken o jembitsür Lazar Allah Rakha-i, Pakistan nung Punjab province kübok New Central Jail Bahawalpur nung sessions court nung pa anema ken o benokertemi pai tsüngrem mezüngmeshiba kuli kecha magütsütet, ajisüaka court-i pa aitsüogo, ta metetdaksü.

Osangbener den jembidang Rakha-i, "Pa aitsüba atema ni kanga mepelar, kechiyong pa anema kuli kecha maliasü. Noman anema kuli kecha maliasü aser police-i anir aruba kuliseremi pa anema kuli kecha magütsütet," ta metetdaksü.

Noman Masih anema ken o angadanga aruba sülen taküm January ita nung tembanga liasü, ajisüaka court-i obendang agütsütsü atema mapang aiben atsülanga aruogo, ta Rakha-i ashi.

Noman Masih-i Islam yimsü

ainkar Muhammad Ajisüaka onoki Khrista dak tamang akaba manokshir aser Tsüngremi iba timtem nungi onok kümzüktsü ta onoki Tsüngrem dak amanger," ta ashi.

"Iba ken o nung tashishitsu aika liasü, ajisüaka Bahawalpur Additional Sessions Judge, Muhammad Hafeez Ur Rehman-i Noman chioktsü melen temerenshi obendang agütsübaji ni mangateter. Iba ya ochi temeden tepsetba lir," ta Rakha-i ashi.

Noman tebu, Asghar Masih-i, iba obendang osang angashia kinüngertem aoksar, ajisüaka Noman-i temeden angutsü ta onoki Tsüngrem dak tamang akar, ta ashi.

Police-ibo 2019 küm July 1 anepdang 3:30 ako nung park ka nung Noman-i nisung 9-10 shi dang Tsüngrem mezüngmeshiba noksatem sayua alidang apu ta ashi, ajisüaka tebu Masih-ibo, Noman kidang mejanga lia police-i pa apu, ta ashi.

Asghar Masih-isa, "Tesüiba küm pezü tashi ozü kinüngertem tanela aser senotsü tsütsülen kanga timtema aruogo. Noman tetsü künati anogo shia pa yongaa ata. Pa nem tasüba temerenshi obendang agütsü, ta onok nem osang metetdaksüba sülen onok melung kanga raksa.

Anglican Church of Pakistan nung züngsem, Asghar Masih-isa, Rakha-i par jabaso atema court nung ken o jembitsüba atema pelar, ta ashi.

"Onoki ozü Arogo aser Khristan lenirtem dang tang ama timtem mapang nung onok yaritsü mepishir," ta paisa metetdaksü.

Police-i Noman dang masü saka par kinünger, Sunny Waqas-a tanga district ka nung lia apu. FIR nung shia aliba agi. Waqas-i ainakar Muhammed mezüngmeshiba noksa kar ajenzüka liasü aser yangkhu tanak ka nung bona liasü.

Asüngdangyaba mapang nung Waqas-i police dang Noman-i item noksaji WhatsApp ajanga pa den lemsatet ta shiogo, ta FIR nungjisa metetdakja lir.

Alima nung Khristantem tamajungtiba reshikangshiba linüktem rongnung Pakistan ya jenjang 7buba nung lir (Open Doors' 2023 World Watch List).

ANOGO ABEN TSÜNGREM DEN

Meyoktepba jenjang (T.ken 106:34-48)

Putu tejen puri kecha memetet ta putu tasen puri jembir. Tenüngsang Ken 106 nung ibaji tejangja sayur. Idaki Israel nung koda moatsü aser koda temenen mena ibaji zülu. Parnok temenen menadaksüba mapa ka tekong 35 nung angur: "Saka parnoksa kintem den meyoktep, aser parnok mapatem angazük." Mera kaji- parnoki meyoktep aser tenokdangba jara raksa. Tsüngremi Israel nung dang bendangertem den memeyokteptsü ashi. Parnok mapa mangazüktsü asoshi, saka parnok mapa parnoki angazük. Mezüngbuba asenoki alima den meyokteper, idangji asenoki alimai inyakba mapa angazüktsü tenzük. Talangka melii, Israeli parnok tsüngrem külem, koba parnok asoshi sang aküm (t. 36) parnoki meyoktep, parnoki angazük, aser parnoki tenzük.

Lendongji, kibongtem tali timatem. "Au, parnoki parnok jabaso aser jalatem mojing nem tenla agütsü" (t.37). Yamaji taruba putu sama.

Tanü Khristan aikati tepila jaraji raksar. Parnoki alima den meyokteper aser parnok chirtem tamajungba nem agütsür. "Yamaji parnoki peimapatem agi menena liasü. Aser parnoki inyakba nung jabujaria ao" (t.39). Israeli Yihova den sati asü, saka lai sati tenangzükba nung tamang kateta mali.

Alima ajanga temenendaksü. Na Kibuba den jajaba temeshi liang.

Temeneni menentsür. Ibayongji na tenokdangba jara nüngdaker. Alima den temeyoktep, kechiaser hai-aura akaba mera ka jagi tanabuba jenjang jagi anitsü. Ne mulungjang temenen nungi merüktetta liang aser tatitangba taniok. Tsüngrem den ne tesendaktep tetsüngdaji kecha taniok.

Jordan nung Khristan tetsürtem nem senmang agütsütsü atema inyaker

June 01, 2023: Jordan linük nung Khristan teburtem nem agütsüba ama tetsürtem nem-a kasa senmang temeden agütsütsü atema draft ozüng ka Councils of Christian Denominations (CCD)-i agizükogo.

Jordan linük nung aliba Greek Orthodox Arogo nungi Court of Appeals nung tetsürtem rongnungi mezüngbuba judge, Christine Faddoul-i, draft ozüngji Khristan denomination balala nungi lenirtem ajaki melunga agizükogo, ta metetdaksü.

Osangbener den jembidang Faddoul-i, "Iba ya alizüng ka tongtetba lir, kechiyong 2018 küm tatembanglen nungi tenzüka onoki Khristan tetsürtem nem-a kasa temeden agütsütsü atema inyaka arudar," ta metetdaksü.

Region nung aliba tanga linüktem nung ama Jordan nunga Khristantemi kibongtem nem agütsüba tashi ozüng ajanga tajangzük angur, ta lai ashi.

"Draft ozüngji agizüktsü aser Jordanian Constitution Article 109 of 2011 nung züngoktsü atema sorkar matsüngdang benoktsü," ta lai metetdaksü.

Laisa, iba draft ozüng nungsa kibong züngsemtem rongnung tebur sosema melira kinünger teburtem nem senmang agütsüba nokdangtsü atema tetsür Khristantem nem temeden agütsütsü densema lir, ta metetdaksü.

Councils of Christian Denominations (CCD)-i draft ozüng ya agizükuyonga maneni ano teinyaktsü mapa aika lir, iba sülen ang Cabinet matsüngdang benoktsü.

Lawyer kati, "Kodang sorkari iba ozüngji agizükdir maneni Parliament dangi yoktsü aser tesüsa tamareneri agizüktsü," ta metetdaksü.

Taoba mapang minister aser meimchir temeden atema inyaker, Reem Abu Hassan-a draft law committee nungji züngsem ka lir.

Osangbener den jembidang Hassan-i, "Khristan tetsürtemi tebur den kasa senmang temeden angutsü aser kibong ketdangtsüba nung kasa tashi alitsü atema mapang talangka takhangba agüja aruba sülen tesüsa Jordan nung Khristan denominations ajaki iba takhangba agizükter," ta metetdaksü.

Martin Scorsese-i Yisu film tasen ka atema Pope dang temoatsü meshi



Film director, Martin Scorsese aser pa kinüngtsü Helen Morris nati Pope Francis ajurudang tangokba noksa nung angur.

June 01, 2023: Film Director nungtu, Martin Scorsese-i Yisu Khrista indang film tasen ka yanglutsü aser iba atemaji pai Pope Francis dang nungi temoatsü meshiogo.

Arrshi küm 80, Martin-i taoba hopta Cannes Film Festival nung adenba sülen Italy semdang aser Hombarnü "La Civiltà Cattolica" (Catholic Civilization) magazine

yimobilem zülur, Antonio Spadaro ajurua liasü.

Antonio Spadaro den sensaksem dang Martin-i, tawa pai Pope Francis ajurua liasü, ta metetdaksü.

"Aviator" director, Martin ya Catholic Khristan ka lir aser pai film aika nung tamangba yimsü dak sendakba shilem inoksemer.

May 27, 2023 nü Vatican nung La Civiltà Cattolica aser Georgetown University-i ayongzükba senden ka nung Martin Scorsese aser pa kinüngtsü Helen Morris nati Pope Francis ajuru.

Oscar award angur Martin Scorsese-isa Khristan yimsü dak sendakba "Silence" aser "The Last Temptation of Christ" direct süa liasü.

AO OSHI ANGAZÜKDAK:

TANÜ ANGAZÜKTSÜBA OJANG



Ramen

(n) merilai metepba nungi adokba tashidak (malaria)

* Merila tetsü dak dang **ramen** bena lir.

Ramentettsü

(n) ramen tashidak abenba merila tetsü (female mosquito/ anopheles mosquito)

* **Ramentettsüi** metepba nungi dang ramen menar.

OLONG PAITEP # 6533

15x15 crossword grid with numbers 1-17 indicating starting points for clues.

TIPLÉN

- 1. Nisung jenti - (5)
4. Tsük rudenba - (5)
6. Temzüng tesashi - (5)
8. S_ _ _ i - (3)
9. Nisung rongnung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangliba - (5)
17. Meputep - (5)

LANGTSÜNGLEN

- 1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Kenyongi majinü - (5)
13. Rong kanga tulu - (5)

OLONG PAITEP # 6532 TELANGZÜBA

TIPLÉN :


- 1. Tanga, 6. Wara, 7. Rajang,
9. Anük, 10. Jenjang,
11. Alar, 14. Ngashi, 15. Nala,
16. Mechi.

LANGTSÜNGLEN :

- 2. Anga, 3. Yabang, 4. Tarok,
5. Orak, 8. Ainer, 9. Anema,
10. Jabili, 11. Among, 12. Miim,
13. Anem.



ALOKBA NPSC TATITANG NUNG :



NPSC member : Na kanga junga langzüdagi, tatemsa ni ka asüngdangdi. Nisung 8-i iba jara yangludang ghonda 10 agi, sürapangla nisung 4-i ghonda kwi agitsü?

Alokba : Ghonda kata magitsü ati, jara yangluadoker nung koda?

NPSC member : Very good, na shimogo!

~ Lilir : WhatsApp

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Manipur mepetmesü nung CM shilem bushisüngdangtsü akhanger



New Delhi, Aami/June 1 (Agencies): Manipur nung tang mepetmesü tulu adoker aliba nung Manipur chief minister N Biren Singh densema lir ta aija bushisüngdangtsü atema takangba agütsüba tali kümogo, talisa state nung tribal temi iba takhangba tali agüja arudar.

Manipur Tribals' Forum, Delhi (MTFD)-i, state nung azütokshi lendong tulu adokba nung chief minister Biren Singh densema lir ta aitsüba bushisüngdangtsü takhangba agütsüogo.

MTFD-isa, Manipur BJP MP Sanajaoba-i state nung mepetmesü adoker aliba tamajungba kümdaktsütsü asoshi rongmesoba atema bushisüngdangtsü khangogo.

Iba lokti tentet yagisa, Manipur nung tang mepetmesü tulu adoker aliba ya "extremist Meitei groups" - Meetei Leepun aser Arambai Tenggol dak tai tongloktsüogo.

MTFD-i ashiba agi, Meetei

Leepun ya Manipur BJP MP Sanajaoba den sendaktepa lir.

Kasa mapang nung Manipur nungi iba tribal lokti tentet yagisa, Arambai Tenggol-i, state nung Biren Singh-i aniba BJP sorkar pusemer, ta ashi.

Temetettsü kaji, osangbener shirnoki "radical Meitei groups" - Meetei Leepun aser Arambai Tenggol nati rongmesor adokdaksüba mepetmesü indang osang agütsüogo, parnok merenshitsü amokmerenba indang osang temai adokogo.

Taoba mapang Manipur Tribals Forum, Delhi-i, kin kar meshi meshia samatsütsü atema Meitei nunger telungpurtem pusemba atema state sorkar aitsüogo.

Bodhbarnü New Delhi nung osangbenertem den sensaksemba mapang Manipur Tribals Forum, Delhi-i iba taitsüba ya metetdakja liasü.

Iba telok nungi lenirtemi ashiba agi, Manipur sorkari teyari agütsüba Meitei nunger

telungpurtemi Kuki, Mizo aser Hmar nungertem amaker.

Manipur Tribals Forum, Delhi-isa, state nung tribal tem anema inyaksangshiba jenjang kanga mejungi kümogo aser ibayongji Meitie nungertem den külemi aitsü asoshi tamakoktsü kümogo, ta ashi.

Parnoki ashiba agi, Manipur kübok tribal yimtsüng 100 dak tema ozüng raksartemi makogo, koba Manipur sorkari kin kar samatsütsü asoshi inyakyim benokba nung shilem ka lir. "Tribal tem meyong ki 4000 dak tema Meitei nungertemi rongtoktsüogo, shirnok nem Manipur sorkari teyari agütsür," ta osangbenertem den sensaksemba mapang MTFD lenir kati ashi.

Maneni Manipur Tribals Forum, Delhi-isa, Manipur nung media house aser state adena orr inyaksangshirtemi tribal tem kangshiba indang osang kecha magütsüba atema parnok aitsüogo.

"Media ya lokti nung nütsünyongsük timba aliba telok (Meitei) ket nung lir," ta lenir kati ashi.

Manipur nung May 3 nü nungi tenzüka kin o kin tsüngda mangatettep tulu adoker mesüngjemtetem arudar.

Iba lendong nung nisung 100 shi taküm samaogo aser nisung meyrejang aika pei talidak ki toktsür jenshiaogo.

Meghalaya: VPP tir Ardent-i lumia longkak aitba anenogo



June 01, 2023 nü Meghalaya state kübok Voice of the People Party (VPP) nung President, Ardent Basaiawmoit-i lumia longkak aitba anenba mapang tangokba noksa nung angur.

Shillong, Aami/June 1 (Agencies): Meghalaya nung Voice of the People Party (VPP) tir Ardent Basaiawmoit-i June 1 nü lumia longkak aitba anenogo.

VPP tekolakba Ardent Basaiawmoit-i anogo 10 lumia longkak aita liasü.

Meghalaya sorkari reservation policy lepa reprangshitsü atema expert committee ka tentettsütsü asoshi osang ka agütsüba sülen VPP-i lumia longkak aitba sentong ya anena liasü.

Meghalaya sorkari shillong nung reservation policy dak sendakba nung committee tentetshitsüba sülen anogo ka

lir iba osang metetdakja liasü.

Meghalaya health minister aser committee mendenbuba Ampareen Lyngdoh-i June 1 nü ashiba agi, Shillong nung May 31 nü Meghalaya nung aliba political party ajak nungi züngsemtem den reservation policy dak sendakba nung sensak asema sülen iba osang ya agüja liasü.

"Reservation policy benoka inyaksangshitsü atema aser ajaki anidaktsü asoshi roster ka yanglutsü atema sensaksemtsü asoshi committee ajanga Meghalaya sorkari-i telemtetba agia liasü," ta Lyngdoh-i ashi.

Meghalaya sorkari

agütsüba osang nung, committee mendenbuba aser züngsemtem rongnung constitutional law, economics, sociology, demographic studies aser ken o dak sendaka aliba wadang nung mongintem densema alitsü, ta shia lir.

"Iba ken o ya stakeholders temajaki süoki ia agiba ken o ka lir. Sorkari state reservation policy lepa reprangshitsü atema onoki kuli teperi agütsüogo aser committee-i yashi state sorkar nem osang ka agütsüogo, aser sorkari senden minutes asadanga sülen iba dak ajemdaker osang agütsüogo," ta Meghalaya health minister-i ashi.

Pakistan TV channel tem nung Imran Khan nokdang

Islamabad, Aami/June 01 (Agencies): Pakistan indang TV channel tem nung taoba ato kilonser Imran Khan madoktsü tenokdangba agütsüogo, ta Pakistan Tehreek-e-Insaaf (PTI) party-i aitsü.

Osang ajanga ashiba agi, Pakistan Electronic Media Regulatory Authority (PEMRA) ajanga TV channel tem dang yimjung raksatsür aser tesempatep adokdaksür nisung madokdaksütsü totuyuba agütsüba ya Khan dak tenük yokba lir, shiba taoba ita mapang tatsüka pua ayuba ajanga linük tesem ajungalen rongrogshirong adoka liasü.

Khan nem tenokdangba agütsüba nung live coverage, sound bites, visual mesüra tickers densema lir.

PEMRA ajanga news channel ajak nung Khan nokdangtsü aser pa indang osang mabentsü teletetba agi,

ta sorkari osang ka ajanga ashi. Information & Broadcasting Ministry ajanga TV channel kibur ajak Bodhbarnü senden kati jaok aser Khan mesayutsü totuyuba ya agütsü.

Osang ajanga ashiba agi, taoba ato kilonser nokdangtsü totuyuba ya Inter Services Intelligence (ISI) indang media cell ajanga agütsü.

PEMRA sangdong nung Khan tenung shia mali saka tenokdangba ya taoba mapang cricket asaya alisang nem agütsüba kuli lir, ta PTI-i ashir.

PEMRA ajanga ashiba agi, May 9 nü rongrongshirong tenzükba ya linük anemba molungsentsü aitdakja federation tashi mait kumdaksütsü nükjidong nung inyak.

"Nisung tsüngta tesempatep adoktsü o jembir aser federation aser state institutions anema nübur nokdaksü ajungmesor

osang TV channel temi mesayutsüla," ta ashi. Parnokisa tesempatep adokdaksürtem media nungi khenyongi aidoktsü ashi.

Iba amala teloki tai maket nübur tekolok menentsür aser par nükjidong ya linük aser iba indang institution yirutsütsü lir, ta PEMRA sangdong ajanga ashi.

Iba yimya ya kangasa majung aser aitsütsü nungdaker aser iba amala inyakyim ajungketba nung densema alirtemi Pakistan nung yimjung raksatsüba mechi nokdangtsüla, ta sangdong ajanga asgi.

Khan ya TV nung adoktsü nokdanga lir aser pai jembiba o social media aser YouTube nung prokshir. Ajisüaka osang abenba channel temi pai jembiba o aser sensaksemba amshir, koba ajanga pa yimjak nung adoker ta ketdangtsür temi bilemer.

Taoba US tatong tir Mike Pence-i tir atema tokteptsü

Washington, Aami/June 01 (Agencies): Taoba mapang United States tatong tir inyaksang Mike Pence-i June ita tetenzüklen pa tir nübuyim tenzüktsü imlar, anungji pa indang taoba tanishir Donald Trump den tokteptsü.

Pence-i White House atema toktepta sentong ya Iowa state nung June 7 nü tenzüktsü, ta pa indang sentong meteta alirtemi US nung The Associated Press aser Reuters densema osangkaket balala dang Bodhbarnü ashi.

Trump indang administration nung Pence mapa asoshi tenung sanga liasü, ajisüaka Trump den tesendaktep kanga ajungbo masü. "Küm pezü onok külemi tesendaktep tajung nung mapa inyaka aru. Saka mejungi tembang," ta Pence-i pa indang kaket So Help Me God nung zülua lir.

January 6, 2021 nü Trump bukumer temi 2020 tir election result melenshidaksütsü meranga US Capitol sapangba mapang Trump-i bukuma jembiba asoshi Pence-i aija liasü.

Electoral College vote tem magizüktsü asoshi scheme ka sülen Pence-i anidaksü memolungba yong iba telok yagi Pence ya tekong nung süngzü indoker alenseta südaksütsü jembidang Trump-i molunger ama jembiba kuli agütsüba angashiogo, ta iba tatalokba bushisüngdang congressional panel kati ashi.

Iba sülen Trump-i jembiba Pence-i aitsü aser puti otsü ajanga taoba tir o bendangtsü, ta ashi.

Pence sentong yagi Trump den tokteptsüpur candidates tali akumba nung ano tenung ka aiter. Tang tashibo 2024 tir election asoshi Republican telok nungi Trump jenjang tajungba lir.

Par party nungi shimtetsangi general election nung Democratic nominee den tokteptsü, aser ibaji Tir Joe Biden ang asütsü amai lir.

Republican telok nungi tir asoshi tokteptertem rongnung Florida Governor Ron DeSantis ya ka lir, koba Trump asoshi tesashitiba amai ajiteter. Pa nübuyim taoba hopta Twitter nung tenzükba liasü.

Taoba mapang New Jersey Governor inyaksang Chris Christie-a taruba hopta presidential campaign sangdongtsü imlar. Pence ama Christie ya taoba mapang Trump den tesendaktep tajung liasü aser 2016 election mapang pa indang adviser liasü saka iba sülen taoba tir anemer ka akum.

Ano Republican telok nungi US tir inyakntertem rongnung US Senator Tim Scott, taoba Arkansas Governor Asa Hutchinson, entrepreneur Vivek

Ramaswamy aser taoba South Carolina Governor Nikki Haley, shiba Trump kübok United Nations ambassador inyaka liasü, parnok dena lir.

Ajisüaka polls balala ajanga Republican telok nungi Trump jenjang tajungba sayur. RealClearPolitics ajanga survey ka agiba nung Pence-i GOP voters shilem pezü shi dang puateta lir aser Trump ket nung shilem 53 lir.

Christie ya shilem ka mesüra tajemba nung lir.

Pence ya evangelical Christian aser social conservative ka lir aser US House of Representatives nung 2001 nungi 2013 tashi tenzük aser Indiana governor ka ama 2013 nungi 2017 tashi inyaka liasü.

OFFICE OF THE LONGJANG SENSO MUNG DANG H.Q. LONGJANG

TENÜNGSANG AGÜTSÜR

Küm trok buba atonga noklang nung noklang shilem takok anguba atema Longjang Senso Mungdang ajanga GMS Longjang nung kaketshir nem tenüngsang agütsür. Iba jenjang tongtetsüsa tesayur aser staff temi meranga inyakba atema Mungdang ajanga pelaba lemsateper.

Maneni HSLC aser HSSLC exam 2023 nung takok angur ajak nem tenüngsang agütsür.

Tarutsü anogotem nunga nenok wadang nung Tulusang Tsüngremi nenok maoja len aniang ta sarasademtsür.

Sd/-
M. TEMJEN JAMIR
President, LSM

Sd/-
T. IMTIPONGEN
General Secretary

OFFICE OF THE DIMAPUR AOLI LONGCHAR KIDONG TELONGJEM P.O DIMAPUR - 797112 : NAGALAND

TENÜNGSANG AGÜTSÜR

2023, HSSLC aser HSLC tatidang, nung ozü Longchar Kidong nungi jala Moanola Longchar, D/o Mr. Limawapang Longchar Lirmen Top - 1 HSSLC aser Jala, Rongsennungla, D/o Mr. Chitenlemba Longchar Chungtia Top - 17 HSLC jenjang nung takok tulu ngua konang aser tetushi bener arutsü nung Dimapur Aoli Longchar Kidong Telongjemi kanga pelaba den tenüngsang tulu agütsür.

Nena sempet tajung ajanga tarutsü lanur aika ajungmesoa temoatsü angutsü yimla-a atar.

Tsüngremi nena mangdang aser nükla matong tashi len aniang aser moajang ta sarasademer.

Sd/-
TEMJENCHIBA LONGCHAR
President, DALKT

Sd/-
IMOTEMJEN LONGCHAR
Secretary, DALKT

OFFICE OF THE
CHANGTONGYA SENSO TELONGJEM DIMAPUR
DIMAPUR:NAGALAND
Motto: *Telongjem aser Teyaritep*



TENÜNGSANG AGÜTSÜR

Tawa sangdongba HSLC Examination 2022-2023 nung Top 11 jenjang nguteta, Jungshinungla D/o Imotiba Longkumer & Alemilla, Changtongya village nem Changtongya Senso Telongjem Dimapur, Dimapur Changtongyatsür Telongjem aser Changtongya Kaketshir Telongjem Dimapur ajanga tejak tenteta konang tetushi agütsür

Maneni item züngsem tajungtem tawa mapa nung jenjang temabai atuba, appointment anguba aser Degree nguteta yimer dangi konang bener arutsüba asoshi tenüngsang agütsür:

- Shri T.Takotoshi Jamir** S/o Late Tsuktikaba, Promoted to Project Director (PD), Dept. of Rural Development Govt of Nagaland.
- Dr. Imliakum Ao** S/o Late T.S. Yanger Lkr Appointed as Farm Superintendent, SASRD Medzephima.
- Dr. Sentimenla Jamir** D/o Sosangtetba Promoted to Professor, SASRD Nagaland
- Dr. Molongnenla** D/o Imlinukshi & Mrs Imsunungla, National Institute of Technology, Nagaland, Chümoukedima nungi Physics nung Doctor of Philosophy ngutetba.

Nenok wadang nung takokba den takum tajung aser shisatsü moajang ta sarasademtsür.

Tsüngremi nenok ajak moajang.

Sd/-
President CSTD

Sd/-
President DCTT

Sd/-
President CKTD

GS FOUNDATION COURSE

Be the next NCS



NPSC 2023

Be the next IAS



UPSC 2024

ADMISSIONS OPEN



TOP CIVIL SERVICE DOMAIN EDUCATORS



WELL RESEARCHED MATERIALS



THREE TIER TEST SERIES

📍 Kohima, BOC, below PHQ

☎ +91 7005114715





EduVersity
NPSC PREPARATION 2.0

Sevilla-i Europa League 7buba kokogo



Aami/June 1, 2023 (Agencies): Bodhbarnü Europa League final nung Sevilla-i penalty asayaba sülen Roma goal 4-1 agi koka tang agi iba asayamung tenetben kokogo aser otsü tasen ka yangluogo.

Asaya goal 1-1 agütsü tembangba sülen penalty asayaba mapang Gonzalo Montiel-i par team atema tatembangbuba goal idakja parnoki asaya akok.

Defender yagi mezüngbuba metsüba ball bo mai ajüsüaka Roma keeper Rui Patricio-i aibelenba ajanga tanaben metsüshidaksü aser

tanabenbuba nungbo pai aibelen mesüi idaksü.

Asaya nung Sevilla keeper Yassine Bounou-i ajak dang tajungtiba asaya aser pai Gianluca Mancini o Roger Ibanez nati metsüba penalty nokdanga liasü.

Sevilla-i Europa League nung kanga junga asaya arudar aser parnoki final tenetben tashi asayaba ajak kokogo.

Bodhbarnü final asaya tetenzük nungi asayartem tsüngda mangatetep adoka asaya. Iba asaya nung Roma-i defender pongu toktsü aser ibayongji Sevilla-i ball timba benshia liasü. Iba asaya nung

referee Anthony Taylor-i yellow card 14 tashi agüja liasü.

Asaya nung mezüngbuba goal Roma atema Dybala-i minute 35buba nung idaksü ajüsüaka Sevilla-i asaya azüoka asaya aser minute 55buba nung tia maka Mancini-i own-goal ka idaksü.

Asaya Sevilla-i amokbanger asayaka goal idaksütsü asoshi Roma puri maongka tajungba nguteta liasü. Parnok rongnungi Chris Smalling-i mapang apuloktsür asayaba mapang minute 10buba nung ball kanga junga tongoktsü, saka crossbar nung ondak.

Messi PSG nungi Honibarnü tatembangsa asayatsü: Galtier

New Delhi, Aami/June 1 (Agencies): Argentina nunger nüngtugu asayar Lionel Messi, Paris St Germain (PSG) nungi tatembangsa Honibarnü Clermont den asayatsü, ta coach Christophe Galtier-i Brehostibarnü metetdaksü.

"Ni maongka tajung ngua alima nung football asayar tajungtiba coach süogo. Iba ya pa atema Parc des Princes nung tatembangbuba asaya asütsü aser pa pelashishia agizüktsü imlar," ta Galtier-i Brehostibarnü osangbenertem dang ashi.

Messi-i taküm PSG atema

tetoktepba ajak nung goal 21 idaksüba den assist 20 sütsüba sülen club den küm ana atema tenangzüktepba yangluba June ita tembangtsü

"Taküm pa team nung kanga tongtibang asayar ka liasü. Pa aitsüba mesüra pa anema jembiba ya tim masü," ta Galtier-i ashi.

Arishi küm 35 tain Argentina nunger asayar shibai par team Qatar nung World Cup takok dangi ani, pai Ballon d'Or tenet nguogo aser 2021-22 aser 2022-23 season nung PSG nungi Ligue 1 title ana benogo aser iba

den 2022 küm July ita French Super Cup dena koka liasü.

Tawa Messi PSG nungi asayatsü masayatsü iba indang aika jembia aruogo. Argentina captain den kanga junga sendaktepa aliba source kati Reuters dang ashiba agi, pa taruba season Saudi Arabian club Al-Hilal nungi asayatsü atema maongka agütsüogo.

Kasa mapang nung Messi ya Barcelona-i meyipa aotsü akok mesüra United States' Major League Soccer club Inter Miami nungi asayatsü akok ta jembia arudar.

Monfils yirur French Open nung masayatetsüsa kümogo

Aami/June 1, 2023 (Agencies): French Open mezüngbuba round nung takok anguba sülen Gael Monfils tekanük yiruba ajanga masayatetsüsa kümogo.

France nunger asayar yagi mezüngbuba round nung Sebastian Baez akokba sülen ghonda 24 majung tsüngda iba osang metetdakja liasü.

Pa Mongolbarnü kanga anibelega asayababo kanga junga anisüngzükogo, ajüsüaka pa tekanük yiruba ajanga iba asayamung nung shilem magitettsüsa kümogo. Mezüngbuba round nung tena tsüngda ghonda asemser minute 47 asaya liasü.

Monfils tanabuba round



nung sixth seed asayar Holger Rune den asayatsü liasü.

"Ni temangbo anema lir. Ni tanep kanga pela sak, saka tekanük nung tebilemetsü ka liasü," ta pai Bodhbarnü onung ashi.

"Doctor-i iba amala yiruyipong benerbo masaya nung tajungba asütsü ta ashi. Yashi kanga risky liasü aser tanübo ni anentsüla ta pai ashi."

Pa teka tabelenlen tekanük yirua liasü. Tekanük yiruba ya kobika tsüngda taneptsü angutsü iba indang Monfils-i mejangja, ajüsüaka grass-court season nungbo meyipa arua asayatsü imladar.

"Tekanük ya kanga mejungi raksar alitsü ta bilemer. Anungji ni asaya nungi anenba sülenang taneptsü angutsü asoshi mapang kobika agitsü aji jangjatsü. Ajüsüaka doctor-i ni grass-court season nungbo asayatetsü ta imlaba lemsatepogo," ta Monfils-i ashi.

1buba Open Women Football League Tournament ayonger

Dimapur, Aami/June 1 (TYO): Department of Youth Resources and Sports-i ayongzuka 1buba Open Women Football League Tournament asayatsü. Iba asayamung ya June 26 nungi July 1 nü tashi Indira Gandhi Stadium Kohima nung asayatsü.

Iba asayamung nung team 16 dang asayatsü, anungji shirnoki tama tenüng agütsüdir parnok nem maongka agütsütsü. Asayamung nung asayatsü aliba asayartem ajak Nagaland nung alirtem asütsüla.

Team ka nung asayar 18 aser Supporting Staff 2 dak tali masütsüla. Staff anarongnung kabo tetsür asütsüla aser aser iba dak ajemdaker shilem agir ajak nem match allowances sen 250 agütsütsü.

Senpettem:

1. Takoker: Sen lakh 1 den
2. Runner Up- 70,000 den takok marnok aser kuli kakat
3. Semi-Finalists - 30,000 (team shia) den kuli kakat.

Team sempetem dak alia jurila sempet itemi agütsütsü:

1. Player of the Tournament
2. Highest Scorer
3. Best Goalkeeper
4. Most Promising Player

Team temi logistic ajak achaayangtsü aser match allowances dak alaka TA/DA magütsütsü.

Asayamung nung shilem agitsü jangraba team/club temi Department indang website, dyrs.nagaland.gov.in semdanga forms aser bye-laws download sütetsü aser June 20 nü tashi nungbo Directorate Office, Sports Section nung office mapang form benoktsüla.

Odisha CM Naveen Patnaik-i football centre 3 semzüktsü



Academy, aser Capital Football Arena semzüktsüba atema kanga pelar aser nema danga bilemer. Item saisapong infrastructure tem ya Odisha nung football asaya renloka aotsü asoshi alizüng tongtibang ka lir. Item centre tem ajanga asayartem nem world-class training facility agütsütsü," ta ashi.

Aami/June 1, 2023 (Agencies): June ita four-nation Intercontinental Cup 2023 masaya tsüngda Odisha Chief Minister Naveen Patnaik-i Bodhbarnü Bhubaneswar nung football training centre asem semzüktsüogo.

Patnaik-i, Odisha Football Academy, Bhubaneswar Football Academy, aser Capital Arena Football semzükja liasü. Iba sentong nung tebur national team captain Sunil Chhetri-a densema liasü.

Item centre tem ya sen crore 90 intoka yanglu kong FIFA-certified pitch trok lir aser pitch trok rongnung pongu natural aser ka synthetic turf lir. Iba den LED lights, asayartem changing rooms, gallery ka, gym ka, coach tem takdang ka aser tanga facility tem densema lir.

Centre asmprongla ya yimti teyong nung anasatepa lir aser iba ajanga asayartem mapang ka nung dang training agitsü asoshi maongka agütsür, talisa asayamung balala ayongzuka asayaba mapang teyari agütsür.

Patnaik-i ashiba agi, "Odisha Football Academy, the Bhubaneswar Football

Chief Minister-isa, tetsür football academy ka Kendrapara district kübok Aul nung yanglutsütsü ta ashi.

State nung football asaya meimer tem aika lir anungji iba academy asem nung arishi küm 6 nungi 12 tsüngda alirtem atema grassroots-level training programme ka tenzüktsütsü, ta ketdangsurtemi ashi.

Centre asem ya National U-16 aser U-19 teams, Odisha FC (tebur, tetsür aser youth) aser state team ajak (tetsür aser tebur) atema training ground asütsü. U-13, U-15, aser U-18 state academ tem training session tem iba academy asem nung agitsü.

Maneni item centre tem nung FAO League, Odisha Women's League, school leagues, aser local leagues tem densema state league tem asayatsü.

Temaba jenjang nung yanglur aliba infrastructure tem ya taruba Intercontinental Cup 2023 nung alima dang sayutsü, kong India, Lebanon, Mongolia aser Vanuatu ta June 9 nü nungi tenzuka asayatsü.

BILEMDANGANG

"Taküm nung kechi tongtibangtiba aji jangja ayutsü merangang."